

葉
戲
原
起

葉戲原起叙

紙牌之戲前人以爲起自唐之葉子格宋之鶴格然葉格戲似

兼用骰子蓋與今之馬弔遊湖異矣世人多謂馬弔之後變爲

遊湖亦非也二者一時並有特馬弔先得名耳馬弔本名馬掉

脚約言之曰馬掉後又改掉爲弔

謂馬四足失一則不可行明時或訛脚爲角遊湖

廣三十葉爲六十葉其名自康熙間始有然前人用三十葉其

曰看虎

一名關虎

曰扯三章曰扯五章者卽今之遊湖

杭之西湖蘇之虎邱揚之

紅橋其船皆曰湖船出遊曰遊湖馬掉取乘馬之義遊湖取乘舟之義

余嘗戲輯原起一編所引

書有摘錄者若唐蘇鶚同昌公主傳宋歐陽公歸田錄馬貴與

經籍考王闢之澠水燕談錄四水潛夫南宋市肆記遼史穆宗

本紀明方密之通雅吳梅村綏寇紀畧顧甯人日知錄周坦然

觀宅四十吉祥相周櫟園因樹屋書影王阮亭分甘餘話王敬

葉戲原起叙

哉冬夜箋記申鳧盟荆園小語鈕玉樵觚賸呂種玉言鯖孫之
駮二申野錄高江村天祿識餘而猶以通雅所引之咸定錄漁
洋詩訓纂惠棟撰所引之品外錄二書未見爲恨也其全錄者則
汪伯玉數錢葉譜一卷潘之恆葉子譜一卷續葉子譜一卷黎
珠運掌經一卷龍子猶牌經十三篇一卷馬吊脚例一卷皆明
代人而時人之弔譜不與焉錢塘上湖居士自叙

葉戲原起

錢塘上湖居士輯錄

韋氏諸宗好爲葉子戲夜則公主以紅珊瑚盤盛夜光珠令僧

祁捧立堂中而光明如晝焉

唐蘇鶚同昌公主傳

葉子格者自唐中世以後有之說者云因人有姓葉號葉子青

一作清

或作晉者撰此格因以爲名此說非也唐人藏書皆作卷軸其

後有葉子其制似今策子凡文字有備檢用者卷軸難數卷舒

故以葉子寫之如吳彩鸞唐韻李邵彩選之類是也毆子格本

備檢用故亦以葉子寫之因以爲名耳唐世士人宴聚盛行葉

子格五代國初猶然後漸廢不傳今其格世或有之而無人知

者惟昔楊大年好之仲待制簡大年門下客也故亦能之大年

又取葉子彩名紅鶴皂鵲者別演爲鶴格鄭宣徽毆章邵公得

葉戲原起

八月三十一

象皆大年門下客也故皆能之余少時亦有此二格後失其本

今絕無知者

宋歐陽公
歸田錄

葉子格戲一卷晁氏曰不著撰人世傳葉子婦人也撰此戲於

晚唐之時

宋馬氏文
獻通考

葉子格曰崔格猶今之紙牌也升菴引李後主周妃編金葉子
格晦伯又引咸定錄及歸田錄曰葉子格起唐中世楊大年好
之別演爲鶴格門下客鄭戩章得象皆能之又按王闢之渢水
燕談錄曰唐太宗問一行世數禪師製葉子格進之言二十世
李也後有柴氏趙氏格蜀人貴紅崔格近世職方曹谷損益舊
本用六骰有犀牙師子十事自盆帖而下分十五門四水潛夫
載鋪牌斗葉亦謂此或曰葉子青撰者非也然自折簡後縫積
書成亦名葉子吳彩鸞唐韻李邵彩選以葉子寫故彩箋亦名

冊葉非此葉子格也元端襍引駁楊似未破此疑耳房千里敬

子選格開成三年作則今之升官圖也近年馬弔角戲成風果

戲場哉明方密之通雅

數錢葉譜一卷明汪伯玉以下六種俱另錄附後

葉子譜明潘之恆

續葉子譜明潘之恆

運掌經明黎遂球

牌經十三篇明龍子猶

馬弔脚例明龍子猶接近所行馬弔譜如京譜王譜及無聲落葉之類語不雅馴故不錄

萬厯末年民間好葉子戲圖趙宋時山東羣盜姓名於牌而闢

之至崇禎時大盛其法以百貫減活為勝負有曰闢有曰獻曰

大順初不知所自起後皆驗吳梅村綏寇紀略按仁利孫之

葉戲原起

二 叢睦汪氏遺書

卽錄梅
村語也

遼史穆宗應歷十九年正月甲午與羣臣爲葉格戲解曰宋錢
儋公家有葉子揭格之戲按應歷十九年爲宋太祖之開寶二
年是契丹先有此戲不知其所自來
而其年二月己巳卽爲小哥等所弑君臣爲譴其禍乃不旋踵
此不祥之物而今士大夫終日執之其能免於效尤之咎乎願

人曰
知錄

余嘗不解吳俗好尙有三闔馬弔牌喫河豚魚敬畏五通邪神
雖士大夫不能免近馬弔漸及北方又加以混江遊湖種種諸
戲吾里縉紳子弟多廢學競爲之不數年而貲產蕩完至有父
母之殯在堂而第宅已鬻他姓者終不悔也始作俑者安得尙
方斬馬劍誅之以正人心以維惡俗乎或云宋楊文公大年好

葉子戲王阮亭分
甘餘話

今之葉子戲消夜圖相傳宋太祖命後宮習之以消夜

言諸長洲呂厓

玉藍衍著

葉子如今之紙牌酒令鄭氏書目有南唐李後主妃周氏編金葉子格此戲今少傳漁洋南唐宮詞云花底自成金葉格惠棟註引此

唐同昌公主會常氏族於廣化里韋氏諸家好爲葉子戲南唐李後主妃周氏編金葉子格此戲自唐咸通以來有之卽今之紙牌其零選加朱采豈古六赤編金之遺意遠史稱爲葉格見第三卷

天祿識餘錢塘高士奇澹人

近見永年申處士函光荆園小語多所銘戒如云賭錢乃市井事士大夫往往好之至近日南之馬弔北之溷江牌窮日累夜若痴若狂問之皆云極有趣吾則見其廢時失事勞精耗財每

一場畢冒冒然目昏體憊不知其趣安在也

冬夜筆記宛平王崇簡敬哉

萬厯之末太平無事士大夫無所用心間有相從賭博者至天啟中始行馬弔之戲而今之朝士若江南山東幾於無人不如此有如韋昭所論之窮日盡明繼以脂燭人事曠而不修資旅闕而不接吁可畏也

日知錄

崑山徐相國面方口大雙眸有光寡於言笑與客飲至酒深或述往事間發諧語乃始微哂莊坐移晷無倦容盛暑必肅衣冠雖門生故吏不以褻見少時嗜弈及葉子戲自晉秩大司成遂絕不爲昔李九我爲南祭酒亦然蓋先後賢有同揆也

觚賸燕贍吳江

玉璫

葉子彩選紛紛聚訟予謂彩選卽今之百官鐸不待言矣葉子必今之紙牌但葉子圖淮南寇不知始何時今江右葉子有無

圖象者有作美人圖者閩中葉子有作古將相圖有作甲第圖者近又有分鳥獸蟲魚爲門類者古之葉子正不知作何分若但以圖淮南冠謂葉子之興必在宋人後則誤矣南人至今呼爲鬪葉

周櫟園因樹屋書影

周坦然先生觀宅四十吉祥相具一云紙牌不入手中注云近日馬弔盛行士大夫儼然爲之不倦予曰宜興僿宜工匠宜不識字人宜四達衢中几桌上卽令此中有千變萬化神妙不測然一思手持者何物豈不愧殺總之人不耐獨坐不肯習靜弈其變爲馬弔風日下矣與其馬弔甯弈

同前

數錢葉譜

天都汪道昆著

語云河間姪女工數錢夫心無盡藏數無窮極工者爲誰惟不貪乃能工故有取於廉介之士

汪道昆序曰博者快一擲直以贏詘相役僕鴟夷尙矣金谷而下不亦泰甚乎哉孟嘗諸豪豪舉者半王孫十族始絀終贏淵明以還詘之詘者也其贏過當今名無窮稽古而擬其倫雜而不越故事率取諸水滸傳實不相蒙變而爲美人爲學士爲才色互出爲名花其無當均也乃今襍以行酒則以狗酒徒云

凡四十八章次如左

野史氏曰知空與量之相敵也而後可語數錢之工矣

空湯瓶第一 賞四注

舊稱空沒文文門所尊今居四門之首惟極皆得制之而尊以下毋所屬與無量數均等互出則中分之

擬其人曰陶淵明雖取瓶罄之說惟顏子屢空足以當之贊曰其卧徐徐其覺于于瓶之罄矣其樂只且

如令白衣人各送執者一杯坐無白衣取瓢自飲

玉麒麟第二 賞三注

例無此葉其來舊矣亦不知所自今稱尊於文門取毛蟲之長能食金然非乘時不能爲瑞

其人曰呂蒙正

贊曰無奈開黎飯後鐘

如令來遲者免飲報者與先至者皆大爵

半齏第三 賞二注 齏音五割切 廣韻器缺也 吳人呼爲齏客

其人於陵仲子至當

贊曰貿貿而起井上有李萬鍾何加惡用駢駢

如令三飲各半杯

一文錢第四 賞一注

葉戲原起

五

叢睦汪氏遺書

其人杜甫至當

贊曰囊空恐羞澁留得一錢看

如令醖空者各飲一杯

二文錢第五

以下至九文錢皆無賞

其人黔婁

贊曰苦節不貳是爲齋也士飾巾不移是爲婁也妻

此以下原本俱空白
不載凡缺二十行

其人王之報

贊曰坐鳴琴貧非病結駟來甯受命

續贊云昔貧女今爲王施雖小報亦當

如令與盛衣冠車騎者同飲

續令奉席中寒微士小杯主令報一大爵

八文錢第十一

其人爲林類

贊曰被裘兮一園近百歲兮黃耆拾遺穗兮餬口

如令坐中殘杯併入一器照分數飲

九文錢第十二

舊以此葉爲極今革無賞

其人爲范丹

贊曰能塵爾甑能減爾性鼎食何人鄙心生塵

如令免飲

十文錢第十三

舊無此葉今居極極勝賞如尊

其人白圭

贊曰人棄我取人取我予

如令與對席擲對對則彼飲不對則自飲



一百子第十四

百亦稱索在此門
爲極極勝賞如尊

其人匡衡

贊曰鄰燭入帷誦詩解頤

此下原本
缺四十行

贊曰維爾魁岸一擲百萬卒之長世聊以世玩

如令雋蒲者巨鵬

一萬貫第二十五

此門
爲極

其人何曾極當

贊曰日食萬錢胡然不饜

如令盛供具者飲

二萬貫第二十六

其人卓王孫

贊曰爲令帳具召賓得堦

如令知音者飲

三萬貫第二十七

其人宣曲任氏

贊曰爾踐金玉爾害爾粟爾出爾粟歸爾金玉

如令有餘者倍飲

四萬貫第二十八

其人烏氏倮

贊曰烏氏治生良以勤務孳六畜比都君

如令敬奉陶朱公一杯自飲大杯

五萬貫第二十九

其人曰猗頓

贊曰蠡師然頓師蠡猗云師師胡不濟濟

如令立奉授令者一觴

六萬貫第三十

其人爲寡婦清

贊曰遺秉爾階恤緯爾培胡爲乎新臺

如令好清客飲

七萬貫第三十一

其人卜式

贊曰萬夫之雄自致三公

如令助邊者飲

八萬貫第三十二

其人爲呂不韋

贊曰陽翟賈捐素封啖艾殺媵祖龍

如令自飲杯酒卽以殘杯更酌進遠遊貴人

九萬貫第三十三

賞一注
舊稱尊

其人蚪髯客

贊一知雄守雌捐洗得所矯矯游龍擇地安處

如二出席授新相知者一觴退而自飲一爵

十萬貫第三十四

賞二注舊
無此葉

其人孟嘗君

贊曰客三千傾七國借私交恣超忽

如令好客者飲渺小者飲五月生者飲

京萬貫第三十五

賞三注舊無
此今稱尊

其人端木叔

贊曰世受殖公無恤邁祖德

如令富翁子飲

一十萬貫第三十六

舊無此葉今爲極極勝賞如尊

其人曰國氏

贊曰人之君子天之小人

如令報者與對席拔長者各一杯

二十萬貫第三十七

舊爲極章至九十皆無賞

其人曰牛僧儒

贊曰朝爲行雲暮爲行雨

如令好內者飲二杯

三十萬貫第三十八

其人爲武安侯

贊曰託肺腑傾人主假之年吾族汝

如令報者與坐者最善飲者分曹對壘六博爭雄負則各以其黨同飲

四十萬貫第三十九
以下缺二十行

九十萬貫第四十四

其人爲董卓

贊曰郿塢足莽首族郿塢堅莽首燃

如令姓名草頭者飲

百萬貫第四十五
贊一注吳葉獨此替花執者得上賞負一勝二人皆媚之

其人擬吳王濞

贊曰而怙而封平而而睨而宗平而而今而躬乎而

如令老健者飲

千萬貫第四十六 賞二注

爲梁孝王

贊曰謂爾不羣爾抗大君謂爾不馴爾多令人

如令同詞客飲

萬萬貫第四十七 賞三注新舊俱稱尊

其人稱石季倫極當古今富傾人主者無二

贊曰財滋多守則那今古豪奢奈樂何

如令報者與坐中最善飲者賭拳負者罰依金谷酒數

無量數第四十八 舊無此葉今摠攝四門

其人擬陶朱公以其積而能散也

贊曰七策二贏千金三散啓茲後人弈世鉅萬

如令隨意飲坐客觴三行末則旅酬一巨觴同醉

野史贊曰始而屢空終也三散然則士貧何足病哉富而可求亦從吾好爾

葉子譜

歙潘之恒著

題辭云葉子古貝葉之遺製前人削桐書柿題楓佩蘭皆取諸葉此簡策之所昉也物各有品雖小技必有可觀作葉子譜

名數品

葉子始於崑山初用水滸傳中名色爲角抵戲耳後爲馬掉扯三章六章投一雷又有關雙頭截角尊極搶結歸一種種今不盡行其法分立四門自相統轄出空齮至九爲錢累錢爲百累百爲萬累萬爲十萬以至萬萬萬勝千千勝百百勝錢錢數賤九而貴空殊倒置有味戲百出而不窮用數多而尙變故也至

酒牌出而古意逾失用之逾淺禪爵花妓旣已不倫甚至淫媾
欲嘔徒敗人興亦惟崑爲溢觴云汪伯玉司馬富於酒德憐才
士而矜窮人數錢之令爲蔣生文藻作也義舉貧而賢者與富
而恣者較不啻羞稱之惟致而能散以無量數終焉顛倒豪傑
揮斥宇宙可謂錢神之董狐酒魔之巫咸足爲貧兒吐氣矣歆
器撲滿之喻何以尙此故首崑山而揭之

分門品

傲於崑山今蟬
馬橋猶盛行之

錢製圓而孔方取象於大反數於空故尊空沒文空者所以貯
也當其無有貯之用屬波斯獻焉次稱鬻客鬻者獸食之餘井
上有李是也里人目爲枝花枝花者花未成果故自一至九咸
呼爲果本枝花而得大名而文錢爲最初之義其數十一葉而極
於九

索以貫錢百文爲素極於一而尊於九九者數之盈十索則名貫矣故去十爲萬始焉葉凡九

萬者索之貫十而得名者也極一而尊九不居其十以十者有所總也葉數亦如索

十舉成數一不必紀而二首焉以偶對百百而千千而萬示極而不孤處尊而不汰數之成也葉得十一野史贊曰履其成無忘其空空以基之成以息之是四十張之所由作也

圖象品

模崑山製

十字門計十一葉畫形皆半身萬門倣此

尊萬萬貫

天魁星呼保義宋江

千

萬

百

萬

首爲雙頭而自側弁

九十

天敗星活閻

八十

朱全

抱子

雙頭

公

呼曰百歪頭是也

七十

地勇星病

六十

天威星雙

五十

尚魯智深

四十

星黑

葉戲原起

十一

旋風三十天暗星青二十地慧星一丈

萬字門計九集

尊九萬貫天退星揮八萬天空星急七萬天猛星薛六萬天

星九紋龍天壽星混四萬天貴星小三萬天勇星大二

萬天英星小一萬天巧星浪

索子門計九葉有象肖貫之索而錢圓孔方

尊九索自下籀四貫疊八索疊二而七索疊二者三六索如

遶水雙五索如艮四索如雙三索如品二索如折一索如股

文錢門計十一葉

尊空沒文原貌波斯進寶形標曰空一文其形全體而半文

錢花寶各半或曰一一錢如太極自一至九以二錢如腰三

錢如乾四錢如連五錢如五岳六錢如坤七錢如斗八錢如塊

玉九錢如三疊峰

重贊曰聞資四門所以禮賢不聞積聚而工數錢故愚稱守虜
運之有神能積能散存乎其人空不居其款厲不履其盈荏苒
之輩有若宋公明亦足為世所程誰曰不經

刻畫品測崑山製

凡扯張鬪虎俱去十門張用萬萬空湯為雙花虎用千兵為統
轄昇州席上客眾亦存十門取九蓋其權也今挾崑山舊牌而
強名其刻畫者拈一為截角二為斜限三為豹牙四為內缺五
為雙白六為雙箸七為斜齒八為外缺九為弦月日缺皆為脣
曰白屬眼曰箸屬鼻月乃如眉五官差具矣壬子除夕定

截角	一豹三張同	斜限	二豹三張同	豹牙	三豹三張同
內缺	四豹三張同	雙白	五豹三張同	雙箸	六豹三張同

葉戲原起

斜

七豹三張同

外

八豹三張同

弦

九豹三張同

直史云自鬪雙頭外有以邊圉競者標籩而掩其幅凡折角去齒抉日剝膚惟所令而相靡不以偏長取勝惟虎中之豹最宜參之或曰五刑未備奈何以脩眉代鰓耳耶倘亦廣陵人諱之也

投一雷品

江鄱爲豪飲頗厭煩苛入座惟投葉於俎雷間各射所覆執之尊屈以四門爲殺推上客主盟眾環攻焉惟一反掌而勝負立見歡聲轟然飲如決雷矣

馬掉品

亦云馬掉脚謂馬四足失一則不可行訛鄉爲角非

馬掉以軍令行之法分四壘用崑山葉四十張各執其八而虛八爲中營主將護之以紀最殿定賞罰焉選將以盧卜植幟於

壇而三家環攻之祖左整亂曰齊袒右截拍而稽數以標首出者若狙張以偵四門三家者遙應而主將孤立無援軍行八出再捷爲平三爲勝以掉奇者奇者與赤手等不爲功而餘勇者故示弱以餌之漸收全功焉大都三家務合從而主將衡之居壇之上雖尊兼毋吝畱慮敵以倖得偶居壇之下雖小劣必讓毋貪墮欲分力以窮寇主不諱顯客不嫌詐顯則易奏績而詐者有巧中故其詐也僅以愚主而客皆默喻不目挑不指動不聲揚不以喋示異犯此者皆下品其顯也用以瞞敵不佔危不持滿不市尊不羞晚成犯此者無勝策三捷者勝一壘而五捷者亦勝一壘善軍者快三而媿五焉五斯拙矣五捷而收三壘則巧莫如之故七出者勝敗之紐逾此則棄其八有制人者人勿顧多奇功焉家有全勝者無私讓有後卻者無先雄有勁掠

者無矜小以神運智以人合天以遲履泰因微而顯轉敗爲功此不可以家戶曉口舌諍也悟者自得之爾

部中惟百萬簪花上國之將相也猶齊之管晏鄭之僑肸魏之信陵雖臣而威震主矣故其賞獨專敗亦得勝亦得或倍之以勝倍也或三之以自出師而三也惟勝敗均者尙焉主將得百萬無尊無捷而勝居一矣惟四尊并而百萬無所庸其勝四之四尊而挾百萬則益而五之矣

四尊視虛葉之副各以門取尊而拍葉掩其上軍罷而稽程故有尊而不勝者矣未有百而不尊者也葉之副而當尊則兼者勝矣兼者尊之第二葉也今雙水之間或貴兼而抑尊此無將之心所不取也匹夫而稱雄則極或有時而尊軍司馬紀錄可也勢固無兩尊矣

自先鋒賞出師之捷而十門無敢出者矣執干兵者用墨守焉
先鋒不見則干兵無敢求功十隊無敢嘗者慮或爲先鋒詭得
也惟執百者可以十隊徼焉徼亦不能爲豪其他路弱矣雄者
轅一搏而縱奇兵此射鵬手也勝則挫其鋒矣鬪家有執先鋒
以無偶而勿紀則搏之功爲懋戰者依法相進退則葉之善經
矣先鋒者何百萬是也得先鋒則喜而得干兵則憎用與不用
殊也

野史曰余百戲盡劣惟馬掉窺一斑焉里人目爲迂莫有搯
其長者吳人嗜而尙之每席必張焉而善者王柱史章大娘
頗以豪爽持勝候生最有膽窮日夕不厭曾一勝章而余再
北於柱史自此以還有肩齊無踵接者矣

續葉子譜

欽浦之恒著

集腋原起

看虎品一名
鬪虎

直史曰看虎者江淮間女兒角戲以雄爲最上乘蓋取龍女疾獻珠利那間轉女成男之義矧士也當困窮而不思奮非夫矣孟子曰晉人有馮婦者善搏虎虎負嵎莫之敢撓馮婦攘臂下車故余觀鬪虎而知健婦之槩也木蘭提榮豈不慚丈夫哉

測曰鬪虎取崑山牌四十章去十門惟選千兵以領三路其專轄者惟萬他有所不屑制也如二人角各得十三章守營者四或三人角各九章守營者三始於齊以定方揭一爲先鋒先鋒無避有進而無退進而爲順一作猿或作猱爲豹惟利是視不則委而置之獨致師焉拈之以三或四或五而分其隊序爲順純爲豹自一至九以數呼之豹極於九非雄莫能尙矣此惟百萬軍中

斬上將者足當之順與豹各有制索勝錢萬勝索復以大小相制無幸焉惟千可統萬之八九而空齧亦挾一元名曰半豹半爲豹之下而能制錢索之順與千統能制人者加賞二章此順之變者也千兵一索一錢爲天豹則豹之始續者惟聽制於二豹矣空齧一萬爲駁則專制大豹者也凡治此術者以銳破堅以單破衆以弱破老尙衝突而散連衡貴節制而黜偏師焉連衡以守則拙偏師以拙則覆矣數窮於一而復於九三極皆其至也君子有炳然之思大人虎變是已次舉其二以合於八則固窮之義勝也三七爲穿則劫而得所請者也千兵御空而滿索則爲駕如中軍挾左右廣以行千兵而統於一則匹夫而有君得乎邱民而爲天子蓋世之雄莫之與京矣於是遞爲九法一曰相角爲敵敵而勝者一章一賞 三同爲豹豹而勝者一

章一賞 序三爲順順而勝者一章一賞得千統與半豹以制勝者各加賞一章無制則否駁能制天豹者亦加賞一章

二曰五萬爲中堅賞二章有制則否

三曰入萬爲次將爲輔賞三章有制則否故萬知慎知待而後能勝也三索三萬七錢爲穿山甲賞三章則穿窬之輩或有時而劫營也

四曰二索二萬八錢爲窮一作叩叩亦作擄賞四章嘉其志可也

五曰一索一萬九錢爲虎賞五章極其當泰者也

六曰千兵九索空湯爲駕賞六章

七曰三九之豹賞七章

八曰三路之首爲富一作猗賞八章

九曰千兵一萬一索爲雄賞九章去其貪欲軍氣始揚所謂百

戰而百勝者也

以上按法程之誓以無爽要而究其妙在八錢合二之窮九錢合一之虎七錢合三之劫空湯合九之富千兵合一之雄駕爲三路之魁窮取三極之次故執之者有佞思焉多算勝少算不勝毋超距毋犯蹕毋守遲毋嗜小利趨則易蹕犯則易軋遲則易孤嗜小利則害大謀法之所忌也比而較之變而通之知彼知己敵雖勁不能逃吾法矣故曰微者所以成其鉅者也弱者所以輔其強者也千者所以控其一者也易曰履虎尾不咥人記曰一夫當關萬夫莫敵又曰三軍可奪帥也匹夫不可奪志也知斯三者而虎之義盡矣嗟乎秦山之婦遠苛政而不遠虎彼固計之審矣誠不以富於窮又何難焉萬厯己酉首春楊采黃頓暢然皆金陵角妓口授手習遂以臆測其微而義著花之

朝在襄成樓譜成惟天豹穿山甲李寶文冬夜補於秦淮閣中者

凡曰獬曰獬曰狢本方若岸更定俟再攷之又曰狼郎也其義則已列於前矣獬音速獬音喚本作獬獬本作獬俗加大

扯五章品此扯三張之疊出而極其變者也余從閩人郭聖僕定於虎邱

去十貫一門只存千萬共三十葉人拈六葉分為三副副分三市每市九點第一一葉為一市第二二葉為一市第三三葉為一市舊用六葉今以第三葉活用可前可後妙處正在此張如合成十點名之曰撞為最末數除十點外以零數算若合十九只算九點每市素九三注花九四注雙花合九五注素八兩注花入三注雙花合八四注其餘以點數勝者俱一注花九打素九大九打小九九打八素九打花入花入打素八大入打小入

他可類推錢門九錢打八錢一文錢打半文錢近有去半文錢用萬萬者則以萬萬爲至尊之花以萬萬花九作五注萬萬雙花九作六注萬萬花八作四注欲取注多意耳花作一點亦可作無點千萬空文爲花扯三張一准此例

五一

如一文一索一萬千萬空文之類五十注花照例加

五紅

萬萬千萬空文九萬八萬九索八索九文八文俱算紅如三九雙花或二九三花俱四十注如三八雙花或二八三花五紅內有八之類俱三十注花照例加若遇眞君雙合照例另加注四十注三十注雖難值似太重請減其半

純五

加五張俱萬貫門或俱索門或俱錢門二十注花照例加萬萬
千萬俱算在萬貫門若復遇真君雙合照例另加注同五在馬
掉廢勿角
今為奇遇
請殺其半

大九

五張合成一九十五注花照例加若共合十九點不合此例五

注亦殺
作九注

真君

三市俱九是為真君九注花照例加花打素大打小俱照例

少君附

巨史云三九為真君則三三當為少君宜六注余聞之弇州
公三三之九與花九埒得四賞謝少連師目為川九加九賞
又似太過今改定以六賞為當若合二九亦同雙
花例謝頗然之

雙合

前三張合九或十九後三張亦合九或十九是爲雙合六注如
花在中入注花在前後七注

對子

惟雙合有之如前三張一三五後三張亦一三五之類兩注色
樣外另算千萬與空文作對若萬萬不與千萬空文作對多一
注故耳

自五一五紅純五大九對子遇色樣皆折算不劈倒其餘色
樣皆大打小

九合

共二十
九副

花花九 花花八 花花七 花一七 花一八 花二六

花二七 花三五 花三六 花四四 花四五 花九九

一一七 一二六 一三五 一四四 二二五 二三四
 三三三 一九九 二八九 三七九 三八八 四六九
 四七八 五五九 五六八 五七七 六六七 入如例推

扯三張 例俱如前

潘之恒曰余戊子歲從弇州公在雷都右司馬邸無日不與文
 酒會酒行數巡即令取牌扯三張每一人爲主眾環而敵之或
 全勝或全負或勝負相參負者取大斗飲之力歉有起逃者果
 醉則勿追佯醉則止全勝者眾不服乃再主與眾敵咸大噪盡
 歡公間陶然令兩堅子扶掖而入客復與諸公子竟歡屢會而
 情若新其酒令之善毋以踰此

鬪天九品

按天九之戲分華夷二隊敘雖稱與看虎相似然用牌
 而不用葉故是編但存其名以表原書之舊而不錄其

法若其言近叢睦好事家有變此牌作三十二葉可執
而行者是則今骨牌遊湖之所自昉也而其原出吾叢
睦異矣

運掌經

賁周黎遂球著

黎子性憎巾幘恒喜筆墨秋雨壓屋斗地如潮以足按屐如
駕小舟研田水溢不可以畊乃出就隣里少年爲蠟牌戲恨
無敵手入夜而返架脚几上思其事理餘興猶留隱不忘輒
從燈前疏之名曰運掌經以示戲伴以從拾桐而書故亦曰
桐階副墨

凡蠟牌各從其類以數之多者爲貴有以少爲貴者錢之類是
也非貴少也錢之大者如大漢布刀一可當十一日所以魁沒
文者富不敵貧貧者算勝富受制焉亡地之能存也

凡牌之用有數適焉大可一寸高倍出之厚僅盈指紙輕小便

葉戲原起



九叢睦汪氏遺書

易挾以偕遊一也靈活可思二也無彈碁坐隱之煩三也可容
坐四人以作酒政多至十八而贏四也可以聚談不厭五也附
以韻語分而賦詩六也

有數宜焉宜於舟中宜花下宜燈前宜夕月宜席上宜書暇宜
閑爐宜避暑宜登山宜慧人宜快人宜解人宜俠士宜靜女宜
才子宜詩客宜文士宜幻士宜壯士宜深沈好書之俠宜忍耻
出袴之雄宜有心少年宜古生磨勒之流宜數學宜禪悟

凡關牌共思深於圍棋旨幽於射覆義取於藏鉤樂匹於鬪草
致恬於梟盧拋擲若夫市井之徒非不羣然用之然負者必爭
失者必恨倖得必驕以至於鳴當局旁觀戛戛伯儼亦甚陋矣
英雄之事不乞憐於人不借倖於天不爲竊行不爲侮愚磊磊
落落得計者昌故用之尤可以觀品也

戛音韻綺頭斜態

凡鬪牌慧者在衰可興庸者恃上駟以自全慧者畱其魁以制人藏其次者以待用雖下駟中駟上駟矣

凡鬪牌庸者知之曰守其故慧者爲之曰通於微

凡鬪牌之道潛則勿用亢則有悔得時乘權求爲可繼失勢隨人相時乃興

凡鬪牌之道慧者不可自恃其算算過則悞上駟易老中駟難藏出必受殃慧者不輕出謹乘其勝

噫得權何時成敗易定故善藏用者尤勿失時天不可知慧者勿過求於必得勿過計於利害之終勿適回於有以必握其柄徒棄目前故奇正相生不離乎當苟非其人道不虛行也

凡鬪之所寶惟識與悟善識者記其諸類而有無可決去畱可審虛實可測盈縮緩急可操矣善悟者因於其故入於其窺老

而變之方壯乘之前之後之右之左之留之去之遲之速之人見而誤之我詭而用之人詭而用之我見而悟之彼方有其計可全覩矣凡善識者耳不必屏聲目不必辨色口可互談而左右陰陽之數確乎不亂天也人也

凡善悟不執故常不尚奇險不過疑人不過信人而前後左右之伏一擊必中人也天也

是故識者必悟不悟則執其識如是者危悟者必識不識必眩其悟如是者危

凡牌輸贏之供朱提爲下其上者曰飲酒得贈詩名染小楷書松箋古書名花珍玩

凡牌未出皆覆旣出皆仰覆者數玄以象天也仰者形見以象地也視仰之形測覆之數以施幹運者人也四類以象四時也

極之以萬爲數象萬物也終則有始天行也一出一入或出於遠或出於近日之與月也或幽或明明則皆見幽則皆暗晝夜之義也門人四方也餘者置中中央之象也一曰爲三人之闢者無四方然而連其虛則六合也右以旋左天運然也從日月之行度也一曰天左旋凡二十四節之氣皆以左旋善闢者迎其機以回天故右旋也生尅象五行也曰脾何生此尅則彼生也如上者尅中則下者生矣八闢象八卦也如三則九亦雜書之數九也凡始闢則互易而混之太極也剖而視之兩儀之初分也吾粵人之闢必去其一而不用者衍也贅衍一脾衍二人也智者不窮其物多畱餘地以勝天也餘以六葉六合之外可以存而不論也不盡其類不極其故此所以圓而可思幾而可用也

葉戲原起

三

又九十二

如三人則餘者十有一葉十窮矣而復有一物之不可以終窮也

是故錢之類十有一用與不用皆不可窮也索與萬之數皆九也善畱其所不盡也十之數以至於千萬萬萬惟十有二葉者約其數不爲悉計不欲得而窮之也

凡四類之中多寡不同而合之則共四十葉者物以不齊爲齊也

一勝一負以象剝復剝復者天而德慧術智務以勝之人之力也

是故署之以宋江之徒者必勇敢忠義然後可勝而又非徒讀書者所能知也故署之以不知書之人李贄曰此皆忠義之人惟其非讀書之人

一曰必以錢索十萬爲其類之名者人之所重惟利可以勝人
惟利慧者得利以興愚者因利以亡凡五行之金皆能殺人
不其然乎有以殺入者也有聚之而適以自殺者也

凡國牌優容仁也附其類以共力義也必擊勇也有讓禮也成
算智也守死信也一曰負者必輸信也皆非也此去則彼留以
待其來而必擊之去者留者共成其事一存一亡不足爲意觀
變審時一心不二者信也如程嬰杵臼之徒是也

凡牌以類聚者朋友也從其魁君臣也以次出兄弟也相繼父
子也柔不能勝而配以附之夫婦也父子有親故相繼以聯屬
爲貴也凡貴者加上賤者附下不以賤爲貴者上下之等以賢
治不肖以貴治賤知時之未可爲則不爭其類隱深以神其算
悟者曰吾姑附於其類以神吾算彼且以我之附之也藏器於

身待時而動勢有可乘一擊必勝則君子制小人之道也

牌經十三篇 吳龍子猶著

論品篇第一

未角智先鍊品毋多言 崑山謂牌爲閉口葉子 毋舞機 如認牌偷牌及誑語惑人皆是

使氣毋墮志毋僥倖毋陰嫉得勿驕失勿吝大敗勿戀大勝勿

劫 俗曰劫賭 其爭也君子斯爲美

論弔篇第二

諺云牌無大小只要湊巧不湊巧不能弔也一牌死二牌生三牌則死一四可以死二五則可以死三矣將欲取之必故與之

將兼取之必各與之 先與一卓方可弔之 假張先出 多畱假張則弔不穩 重張先得

惟重張方可不 利則速往 如假張得利必敵人難於正本速往

然則缺路矣 若選爲敵擒則此路美不欲盡以制人擒不

爲副必敗則改圖 彼必尙有不宜復往 美不欲盡以制人擒不

不讓也

欲早然無味與其起樁毋甯縱散與其苟活如無實而毋寧殉敵敵單或呈巧或不能正本而只以一牌弔死樁家忠之屬五或見招五桌或與三桌同先後人己之間可不審與

論發篇第三

牌之死生弔之多寡全係發張我以往則彼以來故小者先而大者後小可眾戰所多之路雖小可關若大莫孤行如次賞頂而無繼者無勿輕出無張而發非窮則詐如他路大而不一真又也雖空路亦不得不發矣若他路本有真賞而低牌照底計出反發空路者志在於弔也樁家往往以此惑人無聊諺云低牌照底發蓋既無關係則散勿輕忘散家所出之待關切照底牌以聽天數勿誤認其有也單路者險單路非頭未勿忘之樁勿過信在樁家則不可盡信雙路者穩三路者盛四路者全險急得便宜穩遲可以盛寬於人情全勁之相機而行可也雖有智者不易吾言矣

葉戲原起

論捉放篇第四

馬弔之法三人同心以攻一樁凡決取舍須權上下謂上手樁

在上宜縱樁在下宜截雖不正本亦宜邀截所謂單頂張不嫌

輕放如九萬放入萬入萬放七同張不必累捉如六萬捉五萬

類與萬之類苟非樁家皆可正本之後切勿多求甯關以有賞之家何妨

故讓諺云看

論門篇第五

角有體乎曰有一門爲正二門爲佐三門爲雜四門不成牌矣

門之生熟視賞所標已出賞者爲熟路未出賞者去莫若生若

留生張未存莫若熟真生但喜重頭如萬門屬生而七八萬在

免惹生矣萬亦未必假熟須防縮脚已發而未見賞者謂之假熟此路之

待耳利也大者既盡彼必勢必惹生甯爲先發雖有兩賞而無小

以一大一小正本矣牌只副之出後仍

須惹起生路不如先出謀能料敵方可翻青如關至第七張本
生路而藏賞以制人也謀能料敵方可翻青
生謂之翻青此必逆料敵家之無棧家經曰多算勝少算不勝
之有而出奇以窮之要之不可為常也

論滅篇第六

夫擒貴及時滅亦有序早曰催張

言催人之捉滅也

遲曰戀滅

謂戀而不

催則利人

先人而滅則人窺我之虛而擒

戀則餽人

或大小而

己有或過大而縱之恐為人截故意

縱有深心已拈雅品惟賞

無前後不妨速滅次與頂張終非其例

次賞與頂張雖止受一

窺其有無至於聽關

如醜牌有滅無捉懶於庫

耻同降敵招侮

取辱君子所戒

論畱篇第七

正本之艱畱張最重生路無大熟

無路

小具極勝於假賞

熟關之

時真若生路雖次賞未存兩不若守一如別路不真留亦無益
必他人無正賞之留也不如單守一路可幸而
遇然而受制尚多熟或取敗出其不意生或見功是在一時之
權巧而已

論隱篇第八

凡牌分到手喜愠勿形譎者倒用終亦易測或盛而故為愁歎
雖欲眩人難逃識者無聲無臭斯其至乎失未及七牌不可棄美雖已盡
銳若方始挫而不衰久而彌整即算人不足於以禦人算有餘
矣

論忍篇第九

忍之為道利可割而艱可貞無賞之家勿忙正本無賞則關係
本無熟戰之路勿急上卓熟路不來若急於甯輸一牌勿容椿
傷也上卓則少情矣
起甯少一弔勿容椿比末張不真者謂之比張如椿家先有一
卓則亦在比中萬一正本為害不少故

甯少弔一家別
開假張以起椿萬全之術也

論還篇第十

諺云末家牌落得來此言底之有權也第四家為底家牌到此

善算者務以底制椿而不使椿作底待可其功何妨故縱如頭

末家同路多縱之縱大者小必報縱小者大亦償小牌屢得桌

則各平一家矣抽已牌以示之雙張有尾凡兩張連

還張矣張可還而不可抽照會出此路也第三張兩路無頭凡兩路求人者必還萬一失信靜以俟之苟

來矣兩路無頭後一路謂之正本張萬一失信靜以俟之苟

見於色是謂自窘之道如已無還張誤信其有而放之只宜靜

哉鋒

論意篇第十一

凡牌在人手雖不聞不見可以意之示小者流多長凡好牌多

小屢得桌必用大者道每短若急出大張正滅疾者牌必醜可

有大者在手本其餘可知

者多捉急者門必挾牌止一路難於可擒而故縱者餌也知其故疾一桌可縱而故擒者狠也如九萬七萬在手而不放八萬而并弔之彼既餌我其牌必狠當徐守彼有兼并之意藏盈而餌則速圖盛我當速圖正本狠當徐守彼有兼并之意藏盈而出虛者椿家之巧也凡椿家發牌多發已所無之路棄少而用多者散家之常也多則便先大後小者求也還張先小後大者探也本有大者恐犯敵得本惹生多應通路既正本復發生張此路以便獨行無繼須識關門突出大張而不還者必是重張於擒也欲畱以關人不肯缺此一路也大牌顯滅決有副張如滅八萬必尙有七萬信熟路忍割定皆正賞賞不忍棄故甯去散則迎之椿則避之由此而推思過半矣熟張以圖僥倖

論損益篇第十二

凡戰之道同智相角奇趣乃呈擇大者愚不論生熟但擇大者備

多者拙牌雖四門未必盡用若每路備之反致掣肘戀賞者必速亡若熟路必不可棄者甯滅生賞
若戀之不吝貪弔者必起椿如惹生及容椿北張之類一人用智庇及兩家
其亡必矣
其或寡謀累亦非小語云益者三友損者三友此之謂也

論勝負篇第十三

夫勝負雖微幾則先見醜牌得利必有奇祥三賞不開定非佳
兆椿前色樣半是凶徵過後牌來足占福薄頭贏難保終贏晚
勝方爲全勝否極而泰切勿矜持盛過忽衰急須謹守至於洗
有煩簡拍有厚薄智巧之士故多變通然一飲一啄有數存焉

落椿未必美

落椿雖便於出賞然諺云三落椿輸得忙落椿七輸得急等語亦有時而驗

居三未必惡

諺云好牌不落第三家

當其運隆遇蹇亦濟及其氣盡逢吉

變凶困亨之化斷乎不爽夫開有不同或獨開或對面開或並
肩開或連三開或滿場開或單開或雙開或接手開

謂椿前開人而臨椿

復自或滅殺開或或椿前有賞或餘氣開四家牌雖已周而椿
開尚有或代開上手應開而不開或應大出注多寡以意裁之時
餘氣或代開開而開之不盡下手有望至而不乘與非時而強索兩者皆敗道也

馬弔脚例 吳龍子猶箸

翻法利病經中言之最悉其規條似吾杭差勝故從吾杭損益之

緣起

四路之中惟十門居多萬萬正賞千萬次之百爲盈數不甘噲伍特置賞格以卜造化尊爲百老不亦宜乎

一名目

得牌曰上卓得二牌曰正本多曰弔被弔不正木曰死無卓曰赤脚兩牌如雙履獨贏一家曰獨弔共贏一家曰合弔兩家分不可缺一

赤脚

不兩
可牌
缺一
一雙
履

獨贏一家曰獨弔共贏一家曰合弔兩家分

贏曰各弔四家正本曰四和氣百萬曰百老又曰大公突九十

曰小公突五六八萬俱曰雌突以其皆有雙百老上卓又正本

曰大活百隨配一雌突曰大活百突凡有公無雌有雌無公俱不作突止正本

百老不上卓曰小活百隨配一雌突曰小活百突有百老既不

上卓又不正本曰死百或止上卓不正本亦曰死百隨配一雌

突曰死百突九十隨配一雌突曰小突百老九十五六八萬俱

全曰全突大活開散家各一注曰敲門四尊曰賞四副尊曰次

賞賞上曰活否曰死四小曰極無制曰真有制曰假取之曰捉

縱之曰放縱而復來曰還故縱曰讓填之曰滅初出張曰發後

日出畱以制人曰關買家曰椿出注曰衝如加注則曰加衝二衝之類贏籌

曰開先椿而顛倒之曰洗或曰清或曰洩中而刮之曰拍散之

曰分散之起卒曰頭曰末百千萬俱上卓曰三開百千萬配空

文曰四紅次賞上卓而底牌次張值正賞曰假達八牌俱上桌
曰八卓全收

一牌式

牌式必須官樣如太倉衛前崑山司馬橋蘇州桃花塢並稱牌
藪以夾青純綿紙者爲上若細畫者謂之小娘牌狹小者謂之
驕夫牌如蘇州對門牌類矮濶龕惡者謂之孤老院牌如蘇州唐墨寫家牌類
模糊難辨者謂之鬼牌江西多用之俱勿用

一坐次拍散

牌卓貴方坐用四面卓上鋪氈以防污損或錢或馬多寡隨意
派定四脚他客別以戲具自誤慎勿聚觀取厭腳數既定先以
牌分四眾人拈其一視大小爲坐次萬萬最尊空文最卑然後再分再拈
以定椿首四人輪椿周而復始惟大活畱椿異賞奪椿椿上首

洗牌下首拍而散之散牌數法椿對面起故馬吊脚又四八白
得三七到椿一五九過身空百千萬俱作一數每人入葉各四
而再周之

一買注

公議若干起若干止卽大負之後不得溢額以圖僥倖

一圖百老法

百老既分死活則十門爲虛位非百老在手不可圖也千萬爲
畱守非百老已出不可圖也若干萬俱有又可出萬以圖尊畱
千以制百若三路既竭十亦竟出縱活百老亦不代賠

一弔法

止一牌上卓輸一弔卽二牌俱不上卓亦止輸一弔有三牌贏
一弔卽有五牌亦止贏一弔所謂臭五桌是也若兩人無牌兩

人四卓則各贏一弔若兩人三卓一人無牌則分贏一弔故出注宜雙不宜單以便分也

一看賞法

四尊曰正賞其次曰次賞正賞在面次賞代之如拍出九萬則以八萬代正賞看賞用底牌面葉之次倘次逢正賞則次賞謂之假達罰與三人各一注若預先滅死不論凡賞須上卓須正本不上桌卽上卓而不正本皆係死賞不論

一免關

四極開三家各一注免關十門滿五張者免關餘三門滿六張者免關凡遇免關俱另拈樁

一開注

貢一注

大活敲門一注

死百一注

假達三家各

開一注 四極開三家各一注 吊一注 小突一注

小活二注 死百突二注

大活三注 三開三注

小活百突四注 四紅四注

大活百突六注 凡突隨百開如妻以夫貴

八卓全收八注 七卓亦謂之全收以俱打倒也若他人先得一桌以後得七桌不算

以上椿家開散家散家止開椿家遇重款即重開大活散家

不敲椿家椿家不敲散家止散家大活敲二散家

如牌有異賞三家齊賀 不論當椿與不當椿

四尊四極全賀八注 八紅賀六注 八紅有百老者賀

七注 渾成賀四注 八牌一門 十門渾成有百老者賀五注

全突賀五注 四尊賀四注 四尊有百老者賀五

注

以上俱以全吊論不許復角竟奪作椿止有百老之家免賀

一罰例

應洗牌不洗者罰一注仍洗

不應洗誤洗者罰一注改正

洗畢見百老者罰一注另拈椿

洗畢錯授人者罰一

注改正

拍牌見百老者罰一注另拈椿

誤分者未看

牌罰一注改正已看牌罰五注給有百老之家免鬪

誤多誤少錯分不輸

分而分俱謂之錯

分牌失手翻轉白者一注紅二注賞三注百老

四注所罰給被翻之家惟翻百老者另拈椿

誤出者罰二注

另改正

誤捉者罰二注作減

所出非賞而越牌越次

者罰二注

顯減者罰二注

以上從誤出至顯減四野如有關係俱代人認開數

竊看底牌面張者罰二注

竊看他人減牌者罰二注

相顧抽張及明言者罰五注 出十門千萬致活百老者及

故縱椿牌活賞者鬪法低矢致活椿家者俱代人認開數如已

者止認一間未正本者認二開活散雖千萬係正賞亦不得藉

家止代椿認若活椿家則兼三家認雖千萬係正賞亦不得藉

口願認者聽 誤出至第二牌者舉出免鬪如有百老與賞

家舉出罰如分錯例 多張者及少張者俱不准捉多張則

多未免有弊若少張則直作已 末張多者不准畱謂末張

以上凡罰俱入官堆俟後大活百得之如一牌未有大活則

人加一子入官堆